

# Fikse kèk limit

Siman w gen zanmi ki pa menm sèks avè w e pa gen anyen mal nan sa. Sèl bagay, sa ka kreye pwoblèm si w poko pare pou w renmen e si, san w pa rann ou kont, ou bay lòt moun nan enpresyon ou enterese nan li. Ki jan w ka evite pou sa pa rive?

Sekrè a se fikse kèk limit. Pou w ka rive fè sa, analize istwa ki vin annapre yo, se istwa ki te pase toutbon epi reponn kesyon ki vin annapre yo.



## ISTWA KI TE PASE TOUTBON

“Li te panse m  
te chanje lide”

Gen yon jèn gason ki rele Jason ki te gen yon bon zanmi fi. Li di: “Nou te antann nou pou pa gen okenn kesyon renmen antre nou.” Men, Jason te konn tèks jèn fi a anpil e li te toujou vle bò kote l. Men sa li rekonèt: “Se te yon erè. Li te panse mwen te chanje lide e se mache m t ap fè l mache.”

Menm lè Jason ak zanmi l lan te deja  
pale sou amitye yo a, sa k fè jèn  
fi a te panse Jason t ap file l?

---

---

---

---

Ki limit Jason te ka fikse pou yo te ka  
rete zanmi *san* li pa bay enpresyon li  
enterese nan li?

---

---

---

---



“Depi yon jèn fi kòmanse  
‘Like’ tout foto m mete sou  
rezo sosyal, m panse li  
enterese nan mwen.”  
— Steven.

# ISTWA KI TE PASE TOUTBON

“Li di  
mwen jwe ak  
santiman l’

Annette ak yon jèn gason te kòmanse pale youn ak lòt e Annette rekonèt yo te konn pase twòp tan ap pale. Annette di: “Mwen te panse li te yon bon zanmi. Nou te konn pase anpil tan ansanm, men mwen pa t enterese nan li kòm mennaj ditou. E m te panse li pa t enterese nan mwen nonplis. Apre yon ti tan, li te mande m si m vle renmen avè l. Lè m te di l se sèlman kòm yon zanmi mwen konsidere l, li te fache. Li di mwen jwe ak santiman l e mwen te byen konn sa m t ap fè a.”

Èske w panse jèn gason sa a te gen rezon panse Annette te gen santiman pou li? Poukisa w panse sa?

---

---

---

---



Ki limit Annette te ka fikse pou l evite sitiyasyon sa a rive?

---

---

---

---



“Gen yon pwovèb ki di: ‘Gen de bagay se kite pou w pa kite yo kòmanse.’ Se pa sèlman lè w ap flète ak yon moun ki ka fè l panse w enterese nan li. Pafwa, kite w kite yon moun file w ka bay enpresyon ou enterese nan moun nan.” — Karen.

# ISTWA KI TE PASE TOUTBON

“Nou te toujou  
ansanm”

Rachel te panse gen yon jèn gason ki te renmen l. Men sa l di: “Tout moun te ka wè nou te toujou ansanm. Yon lè, li te menm pase men l nan kou m pandan plizyè minit. Mwen te panse li te gen santiman pou mwen. Men, lè m te pale avè l konsènan relasyon nou, li te fè m konnen li te konsidere m kòm yon senp zanmi!”

Èske Rachel te gen rezon panse jèn gason sa a te konsidere l plis pase yon zanmi? Poukisa w panse sa?



Ki limit jèn gason an te ka fikse pou l pa t bay Rachel enpresyon li te konsidere l plis pase yon zanmi?



“Sa ka parèt enteresan lè yon moun ki pa menm sèks avè w montre l enterese nan ou, e ou ka kite sityasyon an egziste jis pou w ka toujou santi w byen. Men, lè n met enterè pa lòt moun anvan enterè pa nou, sa montre nou gen matirite e konsa, nou evite blese santiman lòt moun.”  
— Brittany.